



Komunikado 2020-033

Reorganisashon di CBCS

Willemstad/Philipsburg – For di 2018, Centrale Bank van Curaçao en Sint Maarten (CBCS) ta den un proseso di reorganisashon pa mehorá su efisiensia komo organisashon. Den konsulta ku e empleadonan, a disidí di mantené sierto departamento eksistente i reorganisá algun otro, agrupando i repartiendo esakinan segun e divishonnan nobo di tarea prinsipal i di sosten. Asina, e organisashon a bira mas horizontal, lokual ta stimulá kolaborashon i interkambio di konosementu i informashon. Ku e struktura nobo, e kantidat di nivel di maneho i empleado den funshon di maneho tambe a keda redusí.

Den kuadro di e trayekto di reorganisashon, a traha un plan di puesto a base di e tareanan ahustá pa kada departamento. Konforme e plan akí, e empleadonan a keda posishoná òf reposishoná. Un grupo chikí di empleado a bira ekseksivo. Pa e grupo aki, a formulá un protokòl sosial. E struktura di organisashon nobo ta drenta na vigor di forma ofisial riba dia 1 di yanüari 2021.

E skema di organisashon di CBCS ta disponibel riba e wèpsait di CBCS na:
<https://www.centralbank.cw/about-the-bank/organizational-chart>.

Willemstad, 6 di novèmber 2020
CENTRALE BANK VAN CURAÇAO EN SINT MAARTEN